

ori, arzenti, biave, sali, excepto quelli di . . . , frute, et ogni altra sorte merze saranno messe in Soria da la Jaza, Zaffo fino a Gazara, sì con le nave presente, come con tutte le altre, oltra le 4 per 100 pagi in Constantinopoli de intrada 3 per cento per le stime, con altre clausule. A questa condition siano tutti i panni, merze e altre robe non vendute al zonzer di questa parte a Damasco, e tutti pagino termine uno mexe, *aliter* siano fati debitori di ducati 1 per saraffo, e questo sia per deposito a l'imprestado fino sarà deliberà, per questo Consejo, a che conto dieno esser posti. *Item*, certo ordine a li scrivani di l'Insida, *ut in parte*, et scrivani di galie e nave. *Item*, quelli venderano le so' robe in nave pagi, *ut supra*, nè si possi suspender per il Consejo : 167, 21, 5.

Fu posto, per i Savii, excepto sier Antonio Trun procurator savio dil Consejo, una parte di permutar le daie erano ubligate per ducati 18 milia a l'Arsenal e darle al Governador zeneral nostro, e in loco di quelle darli 3 daciai a l'Arsenal, *videlicet* come dirò qui avanti. Et sier Nicolò Venier el consier, vol l'Arsenal habbi *solum* ducati 16 milia; il resto ch'è 2000, si pagi li fanti è a la custodia di Padoa e a le porte. Sier Hironimo da cha' da Pexaro el consier, et sier Alvise di Prioli provedador sora l'Arsenal, voleno star sul preso, *videlicet* dite daie siano ubligate a l'Arsenal, et di più si habbi ducati 300 al mexe a la camera dil Governador per l'Arsenal preditto.

Andò prima in renga sier Hironimo da Pexaro el consier; li rispose sier Marco Foscari savio a Terra ferma. Poi sier Alvise di Prioli sopraditto, poi sier Piero Contarini savio, *ut supra*. E andò le parte: fono 6 dil Venier, 61 dil Pexaro consier e li altri, 112 di sier Francesco Foscari el consier e sier Daniel Barbaro Cao di XL introno in la parte di Savii. *Iterum* ballotà: 71 dil Pexaro, 109 dil Foscari e altri, et questa fu presa.

219

Exemplum.

Fu posto, come ho scritto, per sier Francesco Foscari, sier Andrea Foscari consieri, sier Daniel Barbaro Cao di XL, sier Antonio Grimani procurator, sier Piero Capello, sier Lunardo Mocenigo, sier Andrea Trivixan el cavalier savii dil Consejo, sier Piero Contarini, sier Pandolfo Morexini, sier Piero da cha' da Pexaro, sier Lorenzo Venier dottor e sier Marco Foscari savii a Terra ferma, atento il gran disordine è in la camera di Padoa per non poter esser pagati li custodi di le porte, città, piazza, castelo,

e bombardieri, et questo per non esser finito l'estimo, et la daia è ubligà a l'Arsenal per ducati 12 milia a l'anno, et non si scuode 8 in 9000; per tanto sia preso che la dita daia sia posta a conto di la limitazion per la summa di ducati 18 milia, quali siano deputadi al pagamento dil Governador zeneral nostro, al qual era deputà il dazio dil vin di la dita città di Padoa, e il dazio di Piove di Saco e il dazio di Este, et quello di Montagnana, che summano ducati 16 milia. Però questi 3 daciai di Padoa, di quali si traze ducati 10 milia et 200, siano ubligati al dito Arsenal in loco di daciai over di la daya se li tuo'. Et perchè li Padroni a l'Arsenal per conto vechio restano aver, da mo' sia preso, che di la daja 1519 per tutto il mexe di Selembrio proximo siano satisfati, *videlicet* ogni mexe la rata. Li altri 3 daciai, *videlicet* Piove, Este e Montagnana, ch'è per ducati 5500 a l'anno, siano deputati al pagamento di le porte, guardie, piazza, castelo e contestabeli, bombardieri, cararo, favri e soprastanti di artellaria e monition. *Item*, al pagamento di la provision di domino Baldissera Signorelli, Troylo Pignatello, Zuan di Naldo, Annibal di Lenzo, Julio Scipion, Jacomo Pinadello, che summano ducati 4000. Il resto di diti 3 daciai insieme con el sorabandante di le daie siano deputà a pagar li creditori di la camera preditta con il restante di daciai liberi. *Item*, sia preso che li provedadori a l'Arsenal debano in termine di zorni 8 tuor la daja e do daciai, *videlicet* pescharia e becharia, che ascendeno zercha ducati 16 milia, *aliter* restino a pagar li custodi sopra nominati.

Et perchè si spendeva in fabriche lire 8000 a l'anno, fu preso che 'l non si possi spender si non ducati 30 al mese soto la pena di furanti, e non se li possi dar licentia si non per il Colegio nostro, *ut in parte*. Ave 112, poi 109; fu presa.

Et sier Nicolò Venier el consier, messe, atento 219* la daja risponde ducati 19 milia, sia preso che ducati 15 milia resti per conto di l'Arsenal, et ducati 3000 altri siano tolti di daciai di la pescaria e becharia a raxon di ducati 250 al mexe; li altri ducati 3000 di la daia restino a li custodi, *ut supra*. Ave 6, 3 de no et 3 non sincere.

Et sier Hironimo da cha' da Pexaro consier e sier Alvise di Prioli provedador sora l'Arsenal, messeno, atento le setimane sono ducati 700 et bisogna acrescer altri 200 per caxon di le galie armate e di viazi si ha a compir, che sarà ducati 4000 al mese, et l'Arsenal ha *solum* ducati 1700 di daciai di Padoa et 1000 di le daie, in tutto ducati 2700 al mexe, et mancando fin a la summa di ducati 4000,